

mus, quot modis Aristoteli quoque aliquid dictum fuerit prius.

Cæterum ex Aristotelis lectione juvari Oratoriam posse dicis: equidem id nunquam facit Aristoteles, cum rectæ rationi consentit, cuius dictamen eruditi repudiare non possunt, etiamsi ad eos fontes non accesserint.

Doles Linguarum a Te neglectam notitiam, quæ pertineret ad profundiorem tractationem. Crede mihi, nemo est, qui juvenis aliqua non prætermiserit, & quæ mallet didicisse. Quod si tamen his impedimentis animum & memoriam distringere libuerit, an eredis, Oratoriam, Logicam, Historiam adeo feliciter successisse? Factus Philologus doleres ea neglecta, quæ faciunt ad illustranda vel applicanda Philologorum inventa. **D**
E
Uigitur est, qui studiorum cursum dirigit, qui omnes omnia scire non vult, ut singuli suam præstare possint utilitatem. Nostrum nunc talentum dinumeratum est, cuius usuras si reddideris Ecclesiæ vel Reipubl. salutares, quid Deus exiget amplius? Sed quorsum me abripiat familiarissima hæc, &, nisi scriptura Te fallit, festinatissima colloquendi libertas, nunc demum intelliges. Forsan enim sciveris, tenebrionem quendam nomini meo non nihil impingere voluisse. Jam justa mea causa, quin & eruditi orbis consensus me-